


www.BibleForChildren.org



Loane 14



«Geé nemwo pwo me pinekepé ni pwonimewé. Geé
céihi ne ko Padué, ke geé céihi ne mwo kong.
Hiwon ni pwomwo ne pele Caa. Hemepie time uce
wona, ke time é o uce pii tewé pie, é â pwopweehi
he celi geé bo mu lang.»



«Ke mepie é caa pwopweehi he celi me geé bo mu lang, ke é bo âmwobé, ke é bo péékewé, beme geé mu pelong, ne he na é mu lang.»



Woéo Ioane, pa acéihi bééwé, na nye tai picani,
be wonaa mu ko *a bwo âcéi Iésu tenye. Kehe
icehi ana nye te cumang ne he ni bwo

picani tenye, me nye tai
ucéihi a Mwametau ten.




[É ha a benaamwon na e paciheéo wo Padaame]
ke he li é mu [he karépu] ne pwo a één Patmos,
mu ko a bwo pipateme hi nen dong a

pwooti te Padué, me a
bwo pajuuju Iésu tong.




Ke e ole kong a *Jenen Iitihi, ke é alihi a atebwo
jeda he miiden, ke é ali Padaame he e ko tebwo pwon.




Ke é téne ni pwocihe te ati ni naado na e pwo wo
Padué ne jeda he miiden, ke éni pwo bwohemwo, ke
é he jié, ke é haahi a bwohemwo.


Ke lé tai pwonyebi, me pii pie:
«Me nye pipaunu pana e tebwo
pwo a atebwo, me pa Nahi Muto!
Nye pipwoun delu dieli mwo! Pwo
*a wâé telu,
me a niihelu
dieli mwo!»




Ke é alihi a pwomwo ubwo iitihi, a *Iérusaléma na
mwo coho, he e neopé mu he miiden wo Padué. E te
junihe pipwopweeng, pwohewii êce toomwo celi e
pipwopweeng ne ko pa aiu hen, beme lu piaten.




Ke é téne a pwocihe na ubwo na e âbé mu pwo a
atebwo he daame, na e pii pie: «É jena, ke wo Padué,
ke e ha awieme ni apulie. Ke lé o caa bele ten. Ke e o
caa mu pelelé, ke o caa Padué helé.»



É alecehen, ke wo pali *âcélo, ke e habwii tong a
éémwa na e ne a mulip. Te ju bwakenu, na e téte mu
ko a atebwo te Padué, me pa *Nahi Muto, é ha
awieme a apimu te ni apulie ati ne ha a pwomwo ubwo.



Ke a pwomwo ubwo, ke caa time e uce hane a
pwéélang ko a téale, me a wole. Be a wâé te Padué,
ke caa te pwéélang kon. Ke wo pa Nahi Muto, ke a
pwéélang den.



Te tice ace céiu naado celi mwiihi, celi e o taa ha a
pwomwo ubwo naa. Ke time lé o uce taa lang ne ni
apulie na mwiihi ni huô télé,
ke lépwo agele. Kehe te
icehi nina caa tii ni
niilé ne ha a tii ko
a mulip te pa
Nahi Muto.




«Ke e bo tahi ati ni
tabehaamiilé. Ke caa tieden a
mele, ke caa tice téé me picani.
Be caa tieden ni naado bwolihi.»



Ke o caa te tice apwohi. Ke o caa e ha a pwomwo ubwo
a atebwo te Padué me pa Nahi Muto. Ke lé bo pipaunu
Padué wo lépwo eabwé ten. Ke lé bo alihi a pwahamiin.
Ke a niin, ke o bo tii ne
pwo ni bwaadelé.



Ke é ali ni apulie na lé caa mele, nina pwonaado ne kolé ke nina piticenaado ne kolé, he lé ko cuwo ânebuhe ali atebwo he daame. Ke tehi a tii ko [ni apulie na lé bo hegi] *a ju mulip dieli mwo. Ke pwo ni bée tii na tehi mwo, na tii ne hen ati ni bwomu te ni apulie. Ke tauti ni amele, âcehi ana tii ne he ni tii naa. Ke mepie pwo ace apulie celi time uce tii a niin ne ha a tii ko a mulip, ke o tahieng ne ha a jié miû.



A Jenen Iitihi me ê Apiaten, ke lu pii pie: «Âbé!» Ke
wo paceli e téne anaa, ke me e pii pie: «Âbé!» Ke me
e âbé wo paceli nimen me e ûdu. Wo paceli nimen kon,
ke e o hegi me tice cuhi a tabe na e ne a mulip.



Te nihe eânime Padué ko a
bwohemwo, ke e ne pa Naîn na te ju
céiu nang, be mepie lé céihi ne kon,
ke me time lé uce mele, kehe o
etelé a *mulie dieli mwo.



Roma 3:23 Be nye tai pwo nina ta, ke tai
wogenye ité koja a wâé te Padué.

Roma 6:23 Be a cuhi a Ta, ke a mele. Kehe wo
Padué, ke e te ju ne tenye me tice ja ko a
mulie dieli mwo, na e pwaadeniin bé wo Kériso
Iésu, Padaame henye.

Ébéru 9:27 Mepwo é ne ko ni apulie, ke lé
te océiu ko mele. Ke é alecehen, ke e
bo tautilé wo Padué.



Éféso 2:8,9 Be e caa celuimikewé mu ko a
pipwoééhe tice ja kon den wo Padué, na e
pwaadeniin bé na a céihi tewé.

Be a âpipati, na e ne tenye [me piticenaado ne
kon] wo Padué. Ke time uce wonaa mu ko ce
penem dewé, ke me geé pipii dewé!

Roma 10:9,10 Be, heme go pii beetihi ko a pwom
pie, wo Iésu Kériso, ke Padaame, ke heme go
céihi ha a ju pwonimem pie, e pamulipieng mwo
wo Padué mu ha amele, ke o celuimiko.

Be hemepie go te junihe céihi ne kon, me pii
beetieng, ke e o celuimiko wo Padué, ke e o pwo
me go mwomwon ne he pwahamiin.



Loane 3:16,17 Te nihe eânime Padué ko a
bwohemwo, ke e ne pa Naîn na te ju céiu nang,
be mepie lé céihi ne kon, ke me time lé uce mele,
kehe o etelé a *mulie dieli mwo.

Be time e uce neopé pa Naîn beme e tauti a
bwohemwo, kehe me e *celuimi a bwohemwo.

1 Loane 5:11-13 Be weengi a *juuju: E ne tenye
wo Padué a mulie na tice anebwén kon. Ke a mulie
naa, ke e he pa Naîn. Ke wo pana e kon wo pa
Naîn, ke eten a mulie. Kehe pana time uce e kon
wo pa Naîn, ke time uce eten a mulie. É tii ninaa
lé céiikewé, wogewé na geé céihi ne he nii pa
Naî Padué, beme geé temehi pie etewé
a mulie na tice anebwén kon.



Loane 14; 2 Korénit 5;
Pii Beetihi 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Cemuhî Bible (cam) © 2018 Wycliffe Bible Translators
NZ pour l'association Bii Popai Wâro, Poindimié

<https://www.bible.com/en-GB/bible/2379/MAT.1>

©2026 Bible for Children, Inc.

www.M1914.org

www.bibleforchildren.org

